



**Quæstionum Canonicarum, In Quinque Libros
Decretalium, Tomus ...**

In Librum I. Decretalium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

§. III. De cessatione legis per exceptionem, vel excusationem.

[urn:nbn:de:hbz:466:1-73031](#)

^{1062.} Hoc quidam extendunt etiam ad eas leges abrogantes, quibus annexa est clausula: *non obstante quounque privilegio, etiam exigente; ut de verbo ad verbum fieri debeat de illo mentio, cuius tenorem pro inserto hic volumus.* Dicunt enim privilegium, exigens *specialem sui mentionem*, eā clausulā non abrogari; ita quidam apud Streinium *in proleg. juris Canonici*, §. 5. n. 5. sed hic in praxi tutiorem judicat opinionem oppositam, id quod verum puto, si privilegium prius in corpore juris continetur. V. n. 524.

^{1063.} Dixi: *Si prius privilegium in corpore juris continetur.* Tunc enim præsumitur notum, atque cognitum disponenti sub clausula generaliter abrogante; secūs di- cendum videtur, si exigat mentionem specialem, vel dispositio, de cuius abrogatione quaeritur, sit specialis; tunc enim non censetur abrogata per aliam constitutionem posteriorem, generalem, etiam cum clausula generali, nisi hæc specificè illius faciat mentionem.

§. III.

De cessatione legis per exceptionem, vel excusationem.

^{1064.} Certum est 1. quod lex aliquando in casu particulari cesseret, et si verba legis istum casum comprehendere videantur, & ille nulla lege positiva exceptus sit, nec à Principe vel Legislatore in illo expressè dispensatum. Cujus ratio est, quia possunt quandoque concurrere tales circumstantiae, propter quas lex universaliter loquens, nullamque vel exceptionem, vel dispensationem explicans, observari non potest spectata hominum conditione, licet alias sub lege contineretur, spectata verborum universalitate, ut mox dicemus.

^{1065.} Certum est 2. quoties, præter legis universalitatem, non adest aliud argumentum, hunc vel illum casum particularem comprehendendi, posse interdum non comprehendendi; ita Suarez de legib. l. 6. c. 9. n. 4. quia fieri non potest, ut lex humana, universaliter lata, in omnibus particularibus eventibus ita sit recta, quin aliquando à rectitudine deficiat propter constantem, & frequentissimam rerum humanarum vicissitudinem, cuius omnes particulares c-

ventus legislator humanus prævidere non potuit; nec, esto prævideret, sine gravissimo boni communis incommodo, hoc est, sine maxima legum multitudine, confusione, & prolixitate illas in particulari expipere posset.

Ex hoc duo sequuntur; unum, quod ^{1066.} nulla lex humana, generaliter lata, possit cum illa generalitate, quam verba exprimunt, *in omni occurrente casu*, obligare; alterum, quod, licet per verba legis nulla exprimatur exceptio, semper tamen sic exigente rerum humanarum natura, quam emendare legislator non potest, vel subintelligatur, vel ut lex justa, & rationabilis, evadat actu obligans, debeat sub intelligi. Cum autem hujus explicacionis fundamentum desumatur ex cessatione finis motivi, vel (ut alij loquuntur) rationis ipsius legis, controvertitur inter antiquos, & recentiores, utrum sufficiat cessatio ejus negativa, an prærequiratur (ut docet communior sententia) cessatio ejus contraria?

Suarez cit. cum alijs judicat, cessationem negativam non sufficere; quia licet ratio legis in particulari cessef negative; semper tamen manet aliqua ratio universalior, ob quam expedit, etiam tunc legem observari. 1. quia valde contrarium foret bono communi, si propter illam solam causam obligatio legum cessaret in casibus particularibus. 2. quia partium conformitas cum toto per se est sufficiens ratio servandi legem, ubi & quoties sine gravi incommodo potest observari. Hanc Doctores communiter reputant veriorem, licet altera, quod cessatio negativa sufficiat, propter Doctores illam sustinentes, non videatur carere sua probabilitate.

Ex hoc complures inferunt, quod, licet legislator adverat, vel prævideat, finem motivum, aut rationem legis in aliis casibus defuturum, possit nihilominus justè omnes indistinctè obligare; quia ratio legis ultimata nunquam videtur adæquatè cessare. Hinc not. juxta primam sententiam, ab universali lege non posse in casu particulari ullam exceptionem fieri, quamdiu in ejus universalis observatione non reperitur impedimentum æquitati contrarium.

Contingit autem duobus modis, quod ^{1069.} legis universalis in casibus particularibus observa-

observatio habeat contrarietatem cum æquitate naturali. 1. Si concurrat cum alia strictius obligante ad actum contrarium. 2. Si res præcepta foret nimis gravis, seu difficultis. Nam in neutro horum casu Legislator humanus habet potestatem obligandi; *non in primo*; quia contra jus strictius juris minus stricti observantia est iniqua; *non in secundo*, quia Legilator humanus non habet jus, præcipendi nimis gravia, & difficultia, cum non in omnibus sit dominus suorum subditorum. Deus enim, per quem legislatores humani jus dicunt, non dedit illis ampliorem potestatem legislativam super homines, ac sit illa, qua ipse, in præceptis positivis divinis prudentissimus Legislator, in hoc rerum ordine, utitur, in quo, cum ipse in suis positivis legibus nimis gravia excipiat, id à fortiori existimandum erit de Legislatore humano.

^{1070.} His addi potest tertius modus excipiendo casum particularem ab universalis lege; quando scilicet, licet non desit potestas præcipendi, censetur tamen ex circumstantijs ipse Legislator non præcepisse totum, quod potuit, sed ex benignitate causis aliquos particulares exceperit, ut notavimus n. 905. his præmissis:

^{1071.} Sequitur 1. quando certò constat, materiam legis ab eventu accidentalí, vel circumstantia, in aliquo casu factam esse ini quam, seu contrariam alteri præcepto strictius obliganti, tunc absque recursu ad Legislatorem, esto is facilis foret, cessare legis obligationem; ratio sumitur ex num. 1069.

^{1072.} Sequitur 2. quando certum est, legem non obligare in aliquo casu particulari, esto possit sine peccato servari, posse quemlibet illam propriâ autoritate non servare. Nam certitudo talis præstat firmam conscientiam de absentia obligationis. Hinc etiam juxta multos, probabiliter judicans, hunc vel illum casum particularem sub lege non comprehendendi defectu potestatis legislativæ, excusat ab ejus obligatione, formidine, quam quævis opinio sibi conjunctam habet, non obstante; quod verum est, ubi operans judiciò subjective, seu apud se probabili, post debitam diligentiam, sic se habere, sibi persuaderet.

^{1073.} Nec in isto casu recursus ad Superiorē, licet facilis, est necessarius; cum non

agatur de ipsius voluntate, sed potestate legislativa, quam non tenemur accipere ab ejus judicio, sed possumus uti principijs Theologiae, & Juris, in ea cognoscenda, quod constat ex eo, quia hæc praxis solet in legibus Pontificijs observari. Nam licet Pontifex, à nobis consultus, possit nobis suam mentem declarare; tamen quādiu hæc non facit, nos non tenemur de ejus potestate in hoc, vel illo casu particula ri illum consulere, sed possumus, & quotidie utimur in ea cognoscenda regulis doctrinalibus.

Si autem dubitetur, an casus particula ris occurrens sub lege comprehendatur? recurrendum aliqui censem ad Superiorē, si possint, pro dispensatione; si autem recursus sit impeditus, obligabitur subditus juxta probabilem sententiam ad observantiam legis, quia pro lege promulgata, & legitimè acceptata, atque ex materia præcepta extra casus quosdam particulares, pro subditorum statu universaliter iusta, in sensu composito dubij, videtur stare possessio. Sed contraria multorum opinio non caret probabilitate, tam intrinseca, quam extrinseca, eò quod in dubio potestatis videatur possessio stare pro libertate; ita P. Herdinck in M. S. de legibus.

Sequitur 3. in casu, quo exceptio fundatur in mera Legislatoris benignitate, si de illa probabiliter constet, & vel propter periculum in mora, distantiam loci, aut sumptus sine gravi incommodo ad eum non patet recursus, posse quem exceptione uti, non consulto Legislatore, quia judicium probabile in rebus moralibus, etiam in hoc casu, quando voluntas Superioris moraliter cognosci non potest, sufficit ad prudenter operandum.

Secūs autem, ubi nullum esset periculum in mora, & recursus ad Superiorē pateret, judicat Suarez, judicium illud probabile non sufficere. Quia quando certum est, legem posse ad casum occurrentem obligare, & solùm probabile est, quod benignitas Legislatoris illum excepterit, standum est pro actuali obligatione, quam verba sufficienter exprimunt, quo usque de alia Superioris mente non constituerit.

Sed his non Obstantibus Sebastianus ¹⁰⁷⁷ Saccus l. 1. sue Theol. moral. c. 8. de legib. docet,

docet, etiam in dato casu sufficere judicium probabile de mente Legislatoris. Et ideo pro hac sententia citat Sanctarellum p. 1. variar. resolut. q. 59. n. 4. Lorcam tom. 1. D. 39. membro 2. Alvarez D. 80. Idem tenet Pasqualigus D. 58. de stat. hominum, §. Tertia citans pro se Navarrum in Manuali.

§. IV.

De cessatione legis per cessationem causa finalis.

1078. **A**nte resolutionem not. duplicem si-
nem in lege attendi posse. Unum
intrinsecum, alterum extrinsecum. Fi-
nis legis *intrinsecus* est ipsa res præcepta.
Sic finis intrinsecus legis præcipientis di-
lectionem Dei, est dilectio Dei; finis in-
trinsecus legis prohibentis mendacium,
est omissio mendacij. Nam posita dilec-
tione Dei, primæ legi; posita omissione
mendacij, secundæ adæquatè satisfit. Fi-
nis *extrinsecus* legis est ille, propter quem
talem actionem, quæ est finis intrinsecus
legis, Legislator præcipit, vel prohibet. Sic
cum lex præcipit eleemosynam, legislato-
re intende, ut satisfacias pro peccatis,
finis legis *intrinsecus*, est largitio eleemo-
synæ; *extrinsecus*, satisfactio pro pec-
catis.

1079. Not. 2. quòd Legislatores quandoque,
præter finem intrinsecum legis, querant
alium; quandoque solum finem intrinsecum
legis; adeoque finem intrinsecum
legis interdum conjungi cum alio fine ex-
trinsecō, aliquando non. Ut autem co-
gnosci possit, quando id contingat, hæc
regula traditur à Castropalaio P. 1. tr. 3.
D. 5. p. 1. n. 2. quòd, ubi materia legis est
de se honesta, & expetibilis, finis intrinsecus
legis non habeat coniunctum alium
extrinsecum à Legislatore intentum, nisi
hoc expressè constet; secùs, si id constet,
aut materia legis de se non sit honesta.
Nam in dubio, vel incerto, legis obliga-
tio extendi non debet; quia *lex id nolu-
isse præsumitur, saltem non voluisse*, cùm
*faciliè id exprimere potuisset, & non ex-
pressit*, ut ait Menochius consil. 30. n. 8.
quia *quod lex non dicit, non est ab homine
præsumendum*. L. dissentientis, C. de re-
pud. c. Illa, Ne sede vacante; & lex si volnisi-

set, expressisset, ut dicitur c. ad audienciam, 2. de decimis, c. 2. de transact. L. unis ca §. sin autem, C. de caduc. tollend. quibus-
positis:

Communis doctrina est, quoad legis
perseverantiam, vel cessationem semper
attendi finem intrinsecum legis, sic, ut eo
stante, stet; eo cessante, cesset lex; ita
Suarez de legib. l. 6. c. 9. n. 9. Azor p. 1.
l. 5. c. 16. q. 15. Salas D. 11. de legib. S. 3.
n. 34. Bonacina D. 1. q. 1. p. ult. §. 2. n. 1.
& alij. Alias enim homines, qui carnem
suam habent debitè subjectam spiritui, non
tenerentur ad jejunium; nam si lex ces-
saret, cessante fine solum extrinsecō,
etiam stante intrinsecō, cùm is est hone-
stus, non foret, unde illi obligarentur;
tali autem casu eos non obligari lege je-
junij, nemo dicit; ergo. Et ratio est, quia
legis existentia essentialiter pendet à fine
intrinsecō legis, ut tenet communis.

Quæstio nunc est 1. an cessante ade-
quato fine legis, propter quem aliquid præ-
cipitur, vel prohibetur, eo ipso etiam cesset
lex, ac ejus obligatio? Commune juris a-
xioma est, quòd cessante legis ratione ces-
set quoque ejus dispositio. L. in omni, ff.
de adoptionibus, L. quod dictum, ff. de pact.
c. Etsi Christus, de jurejurando, & passim
alibi, prout videri potest apud Barbosam
de axiom. juris usu frequentat. axiom. 36.
n. 9. & seq. Verum hoc ipsum non eodem
modo recipitur. Nam aliqui volunt id
procedere, si cesset contrariè; non autem
si merè negativè, ut constat ex n. 1067.
aliqui, sive cesset hoc, sive illo modo: alij,
quòd non procedat, quando agitur de lu-
cro captando, &c. de quo videatur Barbo-
sa ctt.

Et quamvis Castropalaus est. n. 4. do-
ceat, sententiam affirmativam (quòd ces-
sante tota causa finali, ob quam res præci-
pit, cesset lex, & ejus obligatio) esse
communem; dubitari tamen potest, an
loquatur de causa finali legis *intrinsecar*
an extrinsecar: pro resolut. not. quando di-
cimus finem intrinsecum legis esse mate-
riam præceptam, ipsam nimur actionem,
vel omissionem, de qua lex directè
loquitur, debere considerari non secun-
dum se, sed secundum convenientiam,
quam habet ad bonum commune. Hinc
materia legis (consequenter finis ejus in-
trinsecus) non est utcunque actio, vel o-
missio